



Inatsisartunut ilaasortamut  
Agathe Fontain, IA  
Maani

**Inatsisartunut ilaasortamit, Agathe Fontainimit, Inuit Ataqtigiit, telepsykiatrimut tunngatillugu § 37.1 252/2013 apeqqummut allakkatigut akissut.**

Telepsykiatri pillugu apeqqutinnut qujanarujussuaq. Apeqqutitit ilaatigut tunngavilersorpatit tarnikkut napparsimasut pillugit suliniutit pitsaanerusunngortinniarlugit suliuarnissaq pisariaqartoq. Tassuunakkut isumaqatigilluinnarpakkit.

**1. Sinerissami telepsykiatri qanoq ingerlava?**

Ukiorpasuaarni oqarasuaat atorlugu telemedicinimik neqerooruteqarsimavoq, maannakkut tele atorlugu tarnikkut napparsimasut nakorsiertinneqartarneri pillugit aalajangersimasumik neqeroorummik ilaneqarsimalluni telepsykiatrimik, napparsimasoq katsorsaasorlu imminnut takusinnaallutillu imminnut tusaasinnaallutik.

Neqeroorut tassanngaannartumik tarnikkut napparsimasunut imaluunniit napparsimasoq tarnikkut napparsimasuni pinngitsaaliinissaq pillugu inatsimmut nutaamut ilaanersoq nalornissutigineqartoq nukinginnartumik nalilersuisoqassatillugu atorneqartarpoq. Tamatuma saniatigut assersuutigalugu katsorsaansamimik qulaajaanissamut, aallartinnissaanut imaluunniit iluarsineqarnissaanut marlungornikkut ullup qeqqata siornagut pilersaarutaasumik neqeroorutaasarluni.

Napparsimasut tarniluttut aamma ataavartumik tarniluttunut naliliinissamut immikkut katsorsaalluni (CBT) telemedicin aqqutigalugu ilitsersuussilluni suliarinninnermut tunngatillugu EU-mit aningaasalersorneqartumik suliniummut Kalaallit Nunaat ilanngussimavoq. Naatsorsuutigaarput tarniluttut napparsimanerpaat katsorsarnissaanut neqeroorut suliniutikkut pitsaanerulersinneqarsinnaasoq.

**2. Kalaallisut oqaasilimmik telepsykiatri ingerlanneqartarnera annertusarneqassamaarpa?**

Katsorsaasoq kalaallisut oqalunngippat innuttaasunut qallunaatut oqalussinnaanngitsunut imaluunniit oqalukkusunngitsunut nutserisoqartarnissaa pillugu neqerooruteqarpoq.

**3. Ajornartorsiuteqarsimappat suut unamminarpat?**

Tarnikkut nappaateqartunik sullissinermi ajornartorsiut annerpaaq tassaavoq tarnikkut napparsimasunik katsorsaasarfimmiit immikkut sullissinernik pisariaqartitsisunut innuttaasunut anngunnissaq, innuttaasoq sumi najugaqarnera apeqquaatinnagu. IKT-mi periusissamit aningaasaliissutit kingunerisaannik atortorissaarutitigut kivitsisoqarpoq taamaalilluni telepsykiatrimi neqeroorutit maannakkut atortorissaarutitigut pitsaanerpaanik nassaarineqarsinnaasunik qulakkeerneqarlutik. Maannakkut tarnikkut nappaateqartuni Pipalup pitsaanerusumik atorneqarnissaa sulissutigineqarpoq. Naatsorsuutigaarput telepsykiatrimik pisariaqartitsineq neqeroorutit tassani ajunngitsumik sunniutit ajunnginnerusumik ilisimalerneqarneri naapertorlugit atorneqarnera annertusiartussasoq.

02. januar 2014  
Sagsnr. 2013-093606  
Dok. Nr. 1435298

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

**4. DIH nutarsarnissaa malillugu, A1 nutaamik taarserneqartussanut tul-  
linnguunniq. Pilersaarut tamanna malinneqarpa?**

Tarnikkut napparsimasunik katsorsaasarfimmii neqeroorutitut tunngatillugu Nassuiaammi 2010-meersumi pilersaarutit malinneqarput peqatigisaanillu tarnikkut napparsimasunik katsorsaasarmi neqeroorutit amerlineqarlutik, assersuutigalugu meeqqanut inuusuttunullu suliniutit salliutinnerisigut, imminortarnerit pitsaaliornissaannut akisussaaneq, politiinut pinerluttulerinermi isumaginnittunut atassuteqarneq suleqateqarnerlu annertusillugit kiisalu kommunini tarnikkut napparsimasunut neqeroorutini, ataatsimut najugaqarfinni immikkut paaqqinniffinni tarnikkut ilisimasalinnik suleqateqarluni.

**5. Illutatigut ajornartorsiuteqarpa?**

Tarnikkut napparsimasunut neqeroorutitut illunik pisariaqartitsineq malinnaaffigeqqissaarneqarpoq pisariaqartitsinernullu nutaanut naleqqussarneqartuarluni. Pisariaqartitsineq Namminersorlutik Oqartussat akiitsunut aningaasaliinermullu periusissaanni allaaserineqarpoq, tassaniippoq napparsimasunut immikkoortortap nutaap sanaartornissaanut pilersaarut inissat arfinillit tarnikkut nakkutigineqartunut.

**6. Suliffigissaaneq eqqarsaatigalugu allanik paasissutissaqarpa?**

Tarnikkut nappaatilinnut immikkoortortami aqutsisut sapinngisamik pitsaanerpaamik suliffimmi avatangiiseqarnissap qulakkeerneqarnissaa sulissutiguarpaat. Immikkoortortaq novembari 2013-mi APV-mik nutaamik suliaqarpoq Suliffinnillu Nakkutilliisut pulaaqqammerlutik. Suliffinnik Nakkutilliisut immikkoortunik pitsanngorsarneqartussanik tikkuussissappata immikkoortortami aqutsisut ingerlaannartumik tamanna aallartissavaat.

Inussiarnersumik inuulluaqqusillunga



Steen Lyng

Naalakkersuisoq for Sundhed og Infrastruktur